

寶  
綸  
堂  
詩  
鈔

寶綸堂詩鈔卷三

天台齊召南次風謨

松花硯歌

長白之麓千里松江流  
直北趨黑龍下有水玉不受攻  
千年光炯燭銀虹

真人受命開紫濛  
拜圖始覲綠芙蓉  
製爲硯石凡石空  
譬獵陳倉獲其雄  
筆掃六合無蒿蓬  
自茲絡驛來九重  
磊砢珪璧並河宗

詔付巧匠金沙礪  
肌理膩滑兼豐融  
翠牽荇葉花戎戎

端溪歛嶺徒費工洮河秀色誇葱龍神采亦謾元菟東  
昨者

賜出乾清宮開匣潑眼雲容容乍覺烈日生清風波濤  
隱現想混同張侯夙懋稽古功才華揮霍凌嚴終五色  
更擅永興公得硯詎屑耽雕蟲墨海一滴甘霖從沾濡  
下土俱年豐不枉制作傳帝鴻

漢宣帝祀甘泉銅行鐙歌次鄒學士胡徵君韻二  
首意猶未盡賦此以呈諸君

置酒高會興未闌聽我三歌銅鐙盤五鳳二年郊祀作

赤奮若支旃蒙干今日座上客傳觀干曰上章支涖灘  
爾來一千七百九十有八載閱十七代隨流湍桑田成  
海海復乾豈有金石能堅完存此一盤形團團古綠幻  
作雲霞癡銅精工良信罕及班書宣紀贊技巧工匠器  
械自元成間罕能及之觀  
銅行簠益信史欵銘尚似新雕刊鼎文詎必問張敞按  
文云云不謬也刻自足知齊桓吁嗟方士恣妖妄仙藥一例食馬肝明  
庭禱祠竟何益空留通天百尺凌雲端神蟲書柳石上  
山公孫輪獵來尚冠碧雞已遣求噴阮但未鏤牒誇封  
繮甘泉上辛祀最虔屬車萬乘從干官瑤堂綺席張黼

繡秦尊芳酌和椒蘭諸巫早自備梁晉鼓員且復徵邯  
鄲璆磬節歌玉梢舞衆嬉奇麗飄輕紈銅鐙盤汝於此  
時銜赤燄銀河晃朗繁星攢照見五色相太乙雲車雜  
沓臨紫壇又照行宮拜天子神光下集靈風寒騰空燿  
火燭宵且煥黃珠采翔龍鸞漢家炎德正烜赫紛紜六  
幕俱際蟠都護屯田控烏壘上林築邸居呼韓中興盛  
烈比殷戊鳳皇神霄尋常看轉眼金刀鋒缺刈客從灞  
岸望長安蹉跎帝時作平地五陵衰草徒漫漫銅鐙盤  
汝今閒置學士室几席無過尋丈寬貯水供石鬪蒼翠

承露點筆勤黃丹雖分藜炬校祿閣但照圖書萬卷羅  
清歡銅鐙盤爲汝俯仰發長歎幾見人生白日生羽翰  
不如行樂勤加餐夜遊秉燭且盡興不見東烏西兔飛  
擲如跳丸

書吳鑑齋傳後

仁和吳炯上范中丞書言三吳水利時雖不用識者避之其傳吳農

祥撰跋者甚多

維揚古澤國巨浸曰太湖首西受荆霄尾東盤姑蘇汪  
洋匯羣川浩淼帶三吳中有無數山錯落點鷗鳬外有  
無數渠綱目環蜘蛛舟楫會東南村郭依葦蒲稻田足

澆灌財賦雄寰區稷米雪色白百萬漕京都一線牽官  
河青天行舳艫往者有明季水利廢勿圖有司例因循  
所急唯催租自從吳淞外港汊有若無青龍旣以湮白  
鶴亦以枯三泖及七了關東何能趨時雨成愁霖積潦  
冒泥塗我朝勤政理濬渠恤民瘼吳生淹雅人慷慨  
捋髭鬚畫地圖可成著論博諮諏震澤源與流十指螺  
紋臚上云稽古昔下云陳其愚拜手告岳牧并諭鄉大  
夫莫惜工費鉅底定復禹謨雖殫目前勞際海永無虞  
諸公亟收效大笑生何迂生言固不迂見或守一隅從

來獻良策下策爲時需吳生老布衣雅志登天衢討論  
經濟才撰述富積厨我讀吳生傳彷彿同玉符

志館口占呈鄧遜可同年 時敏 三首

簪裾日日集龍門

館開任宗伯師郎第中卽綠雲書屋也張柳漁淵張星指映辰胡靜園定

三前輩夏醴谷之蓉及遜可五人並辰入酉出書局紗窗映紫暎上下千年圖

史匯乾坤一統 聖朝尊東迎滄海原無岸西極黃河

更有源

時正修山東及陝西沿邊書元人測河源但知星宿海耳不知星宿海西行三百里自有河源

至星宿海則益大矣隨分班行容懶散墨丸筆札總 君恩

短翮還隨鸞鳳翔綠雲陰羃聚星堂苔堦雨後旋旋碧



竹徑風中細細香豈有雄才追老輩

一統志舊本係崑山徐健菴司寇長

洲韓慕廬宗伯編輯其書考據精核一洗前明志書之陋

時勞清俸給官倉新秋却

盼平安信蜀道台山一樣長

勞勞送客是今年祖帳盧溝對曉煙馬踏碧雞滇海月

帆移羅帶粵江天

柳漁前輩典試雲南靜閣前輩典試廣西

白雲悵望歸何

晚

醴谷同年奔喪旋里

黃鶴登臨醉自便

星指前輩典試湖南

畱得兩人供

筆硯懷人時檢路程編

諸公奉使每於志館覓郵程記

志館修外藩屬國書呈同館諸公得占字

祕閣連瑤殿明廊敞畫檐架餘青簡積堦迴綠苔粘人

直隨珠履分曹啟印奩但欣風習習那苦日炎炎圖審  
山河派書繙甲乙籤我朝天廣大紀載日精嚴絕域  
春秋貢遐荒雨露霑堯封過朔易禹甸跨東漸使遍寰  
中步星週海外占九垓羅斗極萬里出滇黔直視黃河  
濬平看黑水潛緹人猶版籍龍漠也閭閻重譯言纔曉  
奇珍古豈瞻尋常來白雉迢遞進文鸛樹產千年網盤  
雕五色鹽蘅雲神馬駿切玉寶刀鋤漢志詞多闕唐家  
地未兼蒐羅彌歲月探討總洪纖伯益經堪續甘英記  
待添方輿通十道宇敢抵三縑鐵勒遙遙直葱山處處

尖殊方開驛路盛烈想韜鈴封豕都除掃長鯨撏就殲  
梯航歸黃費障塞理農鎌政治通熙暉黎元樂養恬臚  
陳防挂漏疆界辨嫌疑硯拂松花滑瓜嘗蜜樣甜細揮  
銀管筆高揭水精簾洛下尊裴秀安西說杜暹

總裁阿  
侍郎新

自外藩奉使還  
朝是日適至館

乘槎津屢問聚米意何謙

詔語頻催進光陰漫久淹諸公休便息歸騎趁涼蟾

外藩

書從前徐崑山韓長洲二本俱未及撰述後吾師王良

齋侍御創稿又以艱歸至是志書次第告成惟此書闕

如總裁始以見屬也

十二月二十四日進

呈校勘六經退直

武英

影窺窗碧潭光漾檻虛雲霞多逸調何必解銀魚

夢遊高明寺東山醒後足成一篇

壁削蜂房懸嶺迴螺紋湊俯瞰壑萬尋仰見天一竇老  
藤接修磴叢竹濺飛溜徑仄蟻穿穴崖危鳥張喙翠逼  
人面寒雲磨山骨瘦稍稍辭深林微微露遠岫快意得  
平陂坐憩對清晝安知人跡第更睹神工構插漢排青  
嶂環溪寫丹繡無雨帶嵐霧有文儼篆籀古松互蟠鬱  
怪石莽馳驟天矯戲羣龍猙獰鬪百獸物象隨所名轉  
瞬狀非舊茲地豈幽遐昔賢竟遺漏山豈顯有時夢乃

發其覆醒來山已失曙霞爛窗牖

題侯彝門 嘉縉 天姆秋眺畫卷

十年幾度踏峇巒半碧清看霧氣銷滄海微茫縈雪練  
天台咫尺豎霞標秋深古寺紛黃葉風急高空嘯皂雕  
鳥道千盤都飽歷披圖猶認竹邊橋

邵陽馮冢神劒歌

邵陽人言昔年有古冢自陷土豪某秉火深入見石榻上臚骨

如箕旁置七尺大劒光芒若新發於硯者私竊以歸其夜卽夢金甲神人來索土豪怖死鄰里謂劒之祟也送還冢中有學究隨入讀碑銘始知爲漢征西大將軍夏陽節侯馮異墓相率修理榛穢歲時祀之山陰胡雲持記其事余作歌  
○按後書本傳及二十八將列名俱作陽夏侯

陽夏在前漢屬淮陽國後漢屬陳國其地卽今河南太康縣是也溫公通鑑作夏陽侯胡三省注謂二十八將列名作夏陽侯與本傳異則北宋時後書未誤作陽夏之証也夏陽於漢屬馮翊卽今陝西韓城縣地與郃陽縣鄰近今據豕在郃陽然則今本後書作陽夏侯皆字之誤通鑑作夏陽侯爲是

大樹將軍七尺劍氣如長虹光如電白水真人乘赤龍  
手授將軍制方面此劍當卽本傳所稱光武賜以乘輿七尺玉具劍函谷以西

隴坂東鑿書親獎邱山功赤眉百萬血染鏑洪爐沃雪  
毛吹風五丁莫誇椎鑿健關河千里寒芒通一指三軍  
頭盡白每吼陰雨腥猶紅太華作鐔終南柄磨以仁義

拭以忠將軍沒後幾千載大樹竟缺甘棠愛蕭蕭抔土  
荆棘叢春秋俎豆誰奠酹天使神物傲愚頑假手暫出  
佳城內隨卽雷公勅取還教人知有精靈在不然但稱  
冥漠君城冢雜記半茫昧吁嗟野夫何其愚眼見骨節  
常人殊銘篆分明節侯墓上應星宿夫豈徒憶從光武  
感巾車北收薊趙載馳驅起兵主簿辛苦寂捧持豆粥  
進燕薨鐵脰關頓詎足道破鮪走岑同摧枯舊京三輔  
賴安集勳過耿賈邁鄧吳雲臺諸公固磊落不伐孰與  
征西俱生不爭功死爭劒是有至理全非迂終身所仗

死卽殉君恩未忍離斯須吁嗟漢陵久荒蕪珍物多見  
博古圖茂陵早出白玉盃重泉幾泛黃金鳧節陵竹簡  
亦散佚束生尚恨字模糊祇有夏陽七尺劍終古不肯  
隨凡夫吁嗟神物憑靈爽雲霧出沒龍悄悄曾聞武庫  
飛杳冥又說延津躍滌滌馮冢玉具獨堅貞長伴將軍  
閼幽壤試看井絡橫天河夜夜紫氛騰萬丈

答汪五槐塘

沈

津門見寄次韻兼懷諸友

一春消息阻津門每向東風望紫暎長自隔年勞寸簡  
何當對席理清尊名山枉負青鞵約異域猶迷黑水源



時纂雲應是故人深念我醒狂多恐忤平恩

吳山顧曲記當年纔落春燈未禁煙細雨溟濛畱客夜

微風料峭養花天清歌共判尊前醉高會誰知夢裏緣

今日浮萍湖海闊如君還近潞河船

乙卯正月會同舉諸公於槐塘宅共

十一人今則屬二樊榭沈六幼牧周大青瑤張大介石俱還浙嚴大崧占尚讀禮未出周五石帆得官後卽以艱歸家每與蕪浦星齋晤言不勝今昔聚散之感

檻外微茫列玉簪平山堂上望江南諸公不厭壺觴數

豪興偏矜筆墨酣花滿春堤移畫鷁草枯秋冢問金蠶

奚囊多少閒詩句慚愧重遊尚未堪

襲與槐塘客江都閔八廉風團二冠

霞楊大榆亭王大梅泚時  
時遊眺聯吟致足樂也

送方蘇臺之浙江鹽官 超然 次胡雲持韻

蘭亭東去鮎埼亭一路樵風酒易醒到處鶯花環小閣  
隨身書畫展橫屏凌霄翠壁迎船過動地銀濤側帽聽  
應笑東華趨直客衝塵騎馬看山青

送侯彝門試用江蘇丞簿

幾年賃廡一城分長聽橋門說冠羣奪簞虛驚王祭酒  
封侯仍歎李將軍賣文槐市珠拋地曝日棉裘絮吐雲  
乍綰乍通聊頓足眼看賀客且紛紛

松吹書堂歌爲杭堇浦賦

大松拔地千丈強怪松偃蹇如人長老松根榦半化石  
喬松髻鬣蛟龍翔穉松尚是百年物千株萬株環草堂  
黛雲影翻白日黑朱夏氣轉清秋涼刁刁調調天雲作  
一片靈籟騰空蒼崑崙巒應嶰谷鳳凌虛流響非笙簧  
渢容節奏本噫氣元和鼓盪成文章太古之雷無霹靂  
黃鐘之管含初陽軒於洞庭張廣樂牙來海上愁混沌  
風琴恍忽變清操總合大雅殊淫傷草堂主人天下士  
撐胸拄腹經與史礪砢其笑和長興爽健端如李元禮

眼中那有桃李顏門前洗盡箏琶耳日就松陰閒徙倚  
讀破萬卷讀未已砍節然膏五夜過取枝作籌千遍記  
著述自足豪古今況占西湖好山水每聽謾謾獨欣然  
客來驚問何爲爾興公貞白性所喜得意忘言堪舉似  
三四年來幽興隔長安僦屋囂近市徒寄夢寐遊故園  
夢回又逐雞鳴起入磚影候花廳趨萬壑聲閒圖畫裏  
手持素紙索我歌爲我研墨拂塵几我披圖畫幾徘徊  
我家老屋傍瓊臺碧海霞映赤城曉芙蓉花插青天開  
國清十里銷煙霧石梁三樹凌崔嵬此皆自昔紀仙佛

漢柏唐槐行輩推鱗甲之而森搏攫羽毛整頓舞毳毼  
畢宏張璪畫不到色兼紫翠凝錦苔飽聞咸漢廿餘載  
對此還作家山猜家山瀟灑無點埃日日車馬胡爲哉  
蟹眼鎗熟茗一杯君思武林我天台

小清涼山房歌爲金慕齋作

昨秋曾作山房詩今春始向山房宿山房無山在平地  
翻似幽深倚山麓老槐成行立當門遠岫如屏斜傍屋  
數家連比五蘚青一線逶迤徑草綠天園輦道盛冠蓋  
是處村居少輪轂戶外啾啾雀啄泥庭前豔豔花盈目

窈窕房櫳湘箔垂清佳几案牙籤簇簷通別館轉迴廊  
石疊層巒護盤谷半灣流水卽滄浪無數游魚樂濠濮  
主人知我愛醺醺坐我花間裊芳馥因語山房銷夏宜  
盡抽詩卷臨風讀薜荔映簾嵐翠展桐陰匝地寒雲覆  
豆棚入夜涼似水苔階過雨清於沐何如親手捉蒲葵  
早自移堂就喬木如今課僮種秋菊繞砌插籬爲苜蓿  
只欠孫綽兩株松未及蘭成數竿竹詩客何妨百度來  
美酒尚能求十斛我聞斯語興躍躍更深對笑燈煜煜  
結習難忘野鶴心名山磊磊拄胸腹劇羨長安華貴地

占得蕭閒類邁軸可近北窗懸一榻待我同居避三伏  
竟須題作大清涼放筆真書字徑幅

二月移居周石帆前輩舊寓承贈詩次韵奉訓寓

半截街周新寓止隔一牆晨夕往來甚便

舊有封械寄海東卜居今果傍髯公不妨異宅還聯巷  
劇似台山接剡中當日漢廷隨董相幾年舉庶貢梁鴻  
過談從此通晨夕真愛高疎氣味同

積書牀上認餘塵曾住紛綸井大春環堵未須旋馬地  
息心又值閉關人但看出入移家具堪憶招邀作座賓

逆旅乾坤渾一概相期休負百年身

忘年久締范何交異姓分財亦薛包

家具並石帆代置

種菊公

貪三徑曲賦鵝吾喜一枝巢何來好事還頻過每檢奇書共細鈔韋杜城南看不遠花時相約轉林梢

一榻翛然拂坐茵煮茶清夢赭溪濱更無長物惟攜硯

不惜多錢爲買鄰青眼暫時拋阮籍

予與胡雲持並居師門四年矣丹

山高韻聽伶倫且將一語盟心跡他日歸耕步後塵

石帆又贈詩再疊前韻

選二首

憶共吳山眺紫暎海潮聲裏藉芳蓀人圍裊幄看歌態



花界衣香染酒痕同學祇今餘幾在論年漸已覺公尊  
隔牆絃誦吾深羨玉樹森森好後昆

記乙卯春正杭州同舉十人及陳星

蕭自於汪西瀨宅

接葉亭前集素交黃花初綻綠雲包談詩同異宗顏謝

稽古荒唐到燧巢酒後戲為長袖舞句成頻喚小胥鈔

往時作達渾如夢閒倚簾西望樹梢

丙辰九月及石帆屬樊榭沈幼牧迓

耕石王孫同汪西瀨集接葉亭石帆酒後耳熱頓足起舞一座冠纓紫絕今諸子星散每于簷前望亭西高樹

有今昔之感焉

鄒慎齋學士升恒鄭筠谷侍講江並賜和章賦答

敢言金箭擅南東前輩文章屬二公  
高密注經初就後梁園裁賦壯遊中  
過予並駐遊春駕得句親書戲海鴻  
自笑不如陳孺子却勞長者到門同

二公聲望蔚巖廊良史千秋許擅長

鄒鄭與予同修明史綱目北院

夜傳鈴索靜南榮晴曝

御書香摠衣劇願爲都講問

字偏愁住隔坊但得好詩長賜和蓬居洛誦有餘芳

### 答張南華前輩賜和

心無畛域筆無塵日日花前醉老春  
早肯住來離垢地故應呼作謫仙人  
丹青卷自論今古黑白枰猶忘主賓

一語好爲題小像如來金粟是前身

陳星齋同年移居粉坊疊韻奉酬

新居又在舊居東驚座爭推陳孟公古意縱橫詩句外  
人情深淺酒杯中每尋隙地栽花竹時撫閒身感燕鴻  
正是暑天思避熱遷移還與我曹同

灑墨能空萬斛塵生花筆占四時春近來豪飲加於舊  
世上疎狂無此人不速自須叅坐席高歌那復管餘賓  
勸君且畧修邊幅坦步青霄在致身

移居次韻酬胡三雲持見贈

寓形天地間高厚皆吾廬東西與南北豈必常厥居勤  
謝負耒畊勇怯荷戈趨但就抱關祿敢擇步兵廚大哉  
造化功物異精與麤大小有定分較若制方隅海渚困  
橫鯨盆池樂游魚拙者閒且逸賢者多勤劬我才我自  
知學稼同樊須翻然竊詞苑文學冒稱呼清晨裹朝衫  
盥面水一盂命彼長鬚奴策此蹇足驢揚揚入史館橫  
箸飽其餽報國乏寸功摳衣隨羣儒展卷疑滿腹所惑  
誰爲祛因羨績學人胸中皦日如幽居歎寂寞旅食愁  
無餘安得盡貢薦晨夕相與俱憶辭家山來五度寒暑

徂師門畱受業握管日傭書俸錢稍節縮遠寄雙親娛  
杜門謝朋友招邀省酒醺今者自僦屋擇日間建除聖  
土固瓦簷添繩縛戶樞常恐陰雨至敝漏在須臾又恐  
垣牆單重閉勇夫殊欠伸頭已礙倦眠脚未舒惟有固  
窮志耿耿不可渝抗懷友前哲靜坐觀太虛吾廬亦廣  
厦戚戚非丈夫何時徑翩然拂衣賦遂初

雲持惠詩推獎過情僕未敢當所云立言不朽則  
雲持自道耳次韻移贈

天地重文章嗇吝乃本性千古止數公磊落遙相映真

宰握錘爐烹煉出貧病彩發雕甍奇質過金石勁同時  
或見輕閤世轉崇敬園池易改移始悟山水勝繁星避  
皓月五緯色獨正洪潦方喧厖崖壑爲不靜安知萬里  
河應候解堅凝浩蕩天流光波瀾海爭盛一事我足豪  
生與胡侯並示我所著書四載讀未竟心爲造物蠹手  
共古人諍神速走免毫縱橫揮塵柄萬馬嘶秋風百卉  
叶春令騰蹕氣有餘鮮新意無剩迴觀諸子作局促步  
泥潭薜蘿山鬼棲芙蓉美人贈絃因燥溼殊管豈雌雄  
應靡靡稱元音紛紛各自命疇當鞭雷電罡風掃途徑

集賢堂詩卷之三  
健可五岳搖迷使重雲更高妙奏咸英鏗鏘洗羣聽君  
才真卓犖際遇何踳躐韓筆及杜詩不朽早已定況居  
會稽山坐臥靈仙境富足傲晉楚貴豈羨趙孟鸞鳩自  
笑鵬夏蟲終疑凌磨崖刻我詩久遠煥貞瑩

竹鎖夏醴谷座上口占

何必銅魚齧獸環此君高節守名山筒裁牝牡雌雄管  
文點葳蕤深淺斑上處好風窺戶笑開時明月照人閒  
北門重地真須筦待報平安且掩關

可信劉伶善閉關更聞張廌臥閒閒障川便盡淇園槌

捲箔還搖湘淚斑  
叩許筍輿來逸客  
局留雲笈鎮仙山  
洞門莫道全無鎖  
十個蒼龍碧玉環

周石帆前輩索詠貫香糖

短簫吹徹月如霜  
檐上風飄滿路香  
雪藕截來難認孔  
冰盤堆處不成漿  
星嵌黃玉明千點  
巷走紅燈遍五坊  
應想燕姬心竅細  
搓酥剛肖筍尖長

食蚌

食指久不搖食單  
亦未講昨夜夢月  
明今朝啖老蚌因  
想塗泥中持鷸類  
劉項焉知漁人間  
疾足走蘆港垂手



置笈簪捷于錢入餠滋味充盤飧光輝飾瑤珎物理宜  
深藏雙箸悟禪棒

石帆先生席上啖雲南飛松子同雲持作鼓如小荔支香

味特勝

萬里根何遠千年粒尚微垂分丹穀細掃共白雲歸錯  
認金囊嚼猶疑歸鼠飛齋前如可種澆土試春肥馬金囊亦

出滇中飛鼠  
即飛松鼠也

絕勝飛狐貢還過遼海供新唐志蔚州土貢松實  
今松子以關東爲佳嫩含

蕉葉露香裏蜜房蜂遙想蒼虬鬣高蟠金馬峰倥傯難

得見若個解餐松

石帆先生餽蟪蛄蚌蝦米侑以佳詩次韻奉謝

却從長夏把霜螯鄉夢依依泛小舸爾雅問誰還誤讀  
不才自古祇名饕乍來惠餉朱斑殼已覺香含玳瑁膏  
買酒無錢吾亦醉誦君詩可當醇醪

米蝦真自勝糠蝦

米蝦糠蝦見本草

記得羣飛上岸沙仙去蝗

蟲能辟穀棲來水母等浮槎撈時碧漲黃梅雨曝處紅  
鮮杜宇花此夕盤飧添氣色新分珍味彥倫家

除夕石帆前輩饋雉兔賦二十韻謝之

孔味踰三月周齋又一年誰歟將雅貺况乃出高賢  
餽歲勞推食呼兒喜擊鮮雉膏占易象兔首詠詩篇  
勇識聞雷雉清看並月圓純離符火德上駟共星纏  
祗道光長見誰言藥肯傳五方文自異三窟計何偏  
采早登華袞名還上几筵扈鳩原比耦盧鵲竟爭先  
肅肅且纔布班班翼已穿便供人巧笑幾見鵲空拳  
束縛城封穎調和鼎說錢香能過鴨臠肥亦亞豚肩  
加豆吾真忝爲脍古或然且須羅賈脯仍用送韓船  
承惠會難報無營却似仙守株嗤我久脩贊讓公  
前預擬添盤菜相邀擘綵

牋今宵聊大醉明日好朝天

周讓谷餉糟鱔魚借前韻謝之

千里糟邱味不除承君嘉惠憶南徐經年入甕排頭醉  
此日登盤縱壑如香氣尚堪傾斗石酒痕那惜染襟裾  
銀刀出水看紅藥回首江鄉一覺餘  
乙卯春客揚州飽  
啖鱔魚看芍藥今  
十餘  
年矣

讓谷又惠魚頭侑以佳詠疊韻致謝

高吟何必問遷除啖蔗清芳任疾徐骨鯁又憐參政似  
溫柔爭及醉鄉如分甘君自歡推食封鮓吾猶悵絕裾

不忘故園論美品一竿風物釣春餘

陳文簡嘗語任尚書鰈魚如合德江

瑤柱如宓妃西施舌真西子也

寶綸堂詩鈔卷三

寶綸堂詩鈔卷四

天台齊召南次風謨

題座主溧陽公奉使安南畫冊六首

雍正年

殊方萬里總 堯天使者星從北斗邊  
九譯早時來白雉十行 新詔賜朱鳶  
擎將繡節雲霄迴賦就皇華驛路鮮  
此日交南先自賀名臣還睹漢任延

持節

憑祥州上鎮南關駐節臺懸紫翠間  
雨洗烽煙清五管雪明組練映千山  
前驅雙引銀黃印膜拜平分黑白蠻  
應笑相如騰漢檄但誇駟馬錦城還

出關

鸞旌遡發及春餘直指龍編畏簡書正值東臬催火種  
卻看北戶拱辰居檳榔樹外眠畊犢鸚鵡聲邊過傳車  
舊是中華疆索地停軒迴首幾踟躕

入境

錦帆朱舫趁風輕巨象文犀兩岸平

安南用大紅船天  
使至岸上列象犀

隊以南海神迎天上客富良江繞越王城雲高銅柱何

時折地湧丹砂是處明知有詩篇吟望裏思家戀闕

倍關情

渡江

雕題黑齒幾千羣遙聽懽呼動地聞測景祇分羲叔宅

開邊那用伏波軍

先時邊吏議用兵  
恩寬大遣公持

天雷傳天

語敷膏澤風爲文星掃瘴雲再稻八蠶仍外府可知樽

俎樹奇勳

宣詔

志成異物足蒐羅賓館新篁綠又多上國使迴風有信  
越裳人道海無波獅牌可待矜宗慤翠羽從教貢尉佗  
歸侍

天顏頻送喜白狼漿木譜新歌

還朝

孝眼先生歌

南昌熊迎龍

國初金聲桓叛居人

爲餓賊所執將烹之迎龍擁父頸求代賊怒以  
刀刺其左目迎龍垂死猶不釋手一賊義之父  
子俱獲免迎龍死兩日復甦左目亦旋能見物  
自云夢中有鄉先達吳公飲以杯茗故瞳已壞



復完也鄉人稱爲孝眼先生  
生孫暉吉官至大理卿

天有眼乎應曰有請看孝眼熊先生異事至今在人口  
當時羣盜劇縱橫入市白晝持短兵貔貙磨牙虎搖吻  
肉肥肯釋趙長平空城出避走村塢病翁獨畱守門戶  
已令江革負母逃世寧不去隨阿父先生侍父其弟負母出避辛勤  
求菜供晨餐歸見霍霍刀光寒彭修叱賊不顧死惜無  
寸鐵摧心肝哭祈餓賊身願代叩頭千百顙將碎賊刀  
刺眼血淋漓臨危尚擁而翁背從旁一賊憐潘綜擲刀  
却立爲改容手揮徒鄰出門去翁翻哭子悲填胸創深

仆地呼不起血漬衣衫黯深紫屬纊空餘一目瞑詎有  
仙丹能返死自古福善由皇天人死復活眞稀傳先生  
復活雙瞳炯夢中香茗貽先賢居然秋水凝睭滑細辨  
蠅頭工筆札士燮曾吞董奉賢張元虛說金錢刮可知  
至性通神明匹夫決烈天亦驚君不見唐時敬儒斷指  
指復長又不見宋時楊慶割乳乳復平報施若道天無  
眼請看孝服熊先生

石鼓歌和胡雲持

九鼎夏鑄亡于周十鼓晚出今尚畱睭盱怪物工刻畫

三代不及二千秋安邑毫都轉邾鄒南楚來問東齊求  
七雄耽耽王避債慢藏重器常畏偷泗水一沒難復出  
漢武所獲徒歌謳有用無用得長壽斯語我服蘇子由  
周宣安得比神禹獵碣無過秦碑儔如何良金遜頑石  
經過八代纔見收泥侵土蝕苔蘚繡蟲魚尚復紛相糾  
初登郡庠後太學屢更遷徙彌崇優璧門左右列二五  
安置帖妥眞良籌韓公當日告祭酒竟爲皇慶陳嘉謀  
篇不成章句亦缺音釋往往恣窮搜我思此鼓非造斷  
結繩之始天星流十枚錯落在平地亦如隕五存商邱

皇媧補天不忍煉嫌無色澤畱荒陬良史頌獵亦有意  
下堂以降傷優柔張皇六師紹禹陟誰復前典勤咨諏  
稍喜中興振宏烈日選庚戌行梁鄒南征北伐命將帥  
明堂朝會來其球車攻馬同大雅作南鼎召考良工鏤  
于畋詎侈瑤池駕講武欲繼岐陽蒐左驂駮駮右驂驂  
周原膺膺川澌澌六軍七萃盡虓虎勇赴公戰如私讎  
雖同三驅獲已夥汧毆且更方舟游鱗魴鯉鯉貫楊柳  
例比雉兔羅罝罟籀于頌美寓規諷震疊萬里欽王猶  
殷丁赫濯在撻伐保我後生深綢繆宣無遠謨晚節墮

晏朝似是耽衾裯，戰不修姜戎，敗頽唐已兆驪山幽。  
龍漦作孽，故都棄坐，令削弱同小侯。厥初豐鎬，豈不偉  
中林，赳赳稱好仇。意深後儒少，窺測祇摹鐵畫，誇銀鉤。  
或云羸秦宇文作母，乃鯁鯁噬蛟虬。鼓乎顯晦，關都邑  
蒼黔所寶，莫九州。繼周一統，稍宏達後說，仙李前炎劉。  
南山斗城象紫極，汝安岐下無他憂。鬼神禁呵，人罕見  
鹿豕躑躅山林囚。唐末關中王氣盡，上天眷顧東其頭。  
洛陽汴梁劇淺薄，未若天府雄盧溝。汝從趙宋始，墮裹  
直到燕薊，停車舟元明兩朝先卜宅，天爲

聖代開鴻庥環海內外一侯尉銷偃金革操農耨卽今  
橋門萃萬國摩挲石鼓衣爭樞僦僦胄子得講切共瞻  
雲漢歌薪標迴憶荒郊飽風雨野人作臼供春榆音宣  
和好古乃兒戲炫耀裝飾欽精鏐如今託身近俎豆東  
西羅列儼尊自無聲安用叩桐木不考那事誇夔牛伊  
耆黃桴聊取意魯人獵較夫奚尤僅存磊落數百字曉  
天星宿江湖漚鴻都篆隸竟安在汝真龜鶴渠蜉蝣素  
王道德並穹壤令汝億載如轉眸嗚呼十鼓勝九鼎仰  
空長嘯風颭颭

趙忠愍公墓祠

趙謨雲南昆明人以御史死崇禎甲申難墓在憫忠寺側國初褒

贈偶遺今以傳侍御爲許題請賜諡忠愍鄉人張檢討漢等捐金立祠

趙公奮節事堂堂碧化孤墳古寺旁闕典百年書野史

事見趙吉士表忠錄表忠今日煥

天章自看浩氣翔霄漢何必歸魂盼點蒼梓里衣冠賢  
不乏每於祠下薦蕉黃

送張柳漁侍御巡察臺灣

繡衣銜 詔向臺灣梓里先誇馴馬還旌節遠分天半  
壁神仙眞住海三山地鄰龍伯帆檣集轍列犀軍鼓角

閒奮武揆文關坐鎮故推清望冠朝班

聲名寧隔海波遙邊跨滄溟自我朝豈有田橫能抗

漢總看陽谷本歸堯狼煙久斷金門鎮烏堠仍通鐵線

橋使者采風應一笑蠻歌處處叶簫韶

臺人好歌竹叢  
林木中男女謳

吟應和  
不少歇

曾作西南萬里行

侍御年前  
典試雲南

東南又挂片帆輕針盤風

信宜三月水驛晴光報十更

海船以一晝夜  
對週爲十更

觀海人居

鼉背迴籌邊樓壓鳳山平銅鈴舊俗今冠帶

臺灣之名  
始於明季

在明初但知有鷄籠山而已永樂時鄭和出海招諭海上諸番鷄籠人不肯附貢和戲製銅鈴家貽一枚以辱



之蓋比之於狗國也番人反以為榮其富戶項下懸數鈴行則有聲氛祲知為霜氣清

南臨浪嶠北鷄籠千里人煙一徑通臺地南北之長幾二千里而東控大

山西頻海不過五六十里停午稍開春霧白燭天長見海濤紅高低

山劃諸番界來去潮殊半線中臺地北自大小鷄籠城南至馬沙嶼連山不斷

如魚脊山之西為郡地其東生番雜居以重嶺為賦海界也半線地名其北潮同歐漸其南潮同閩粵

木華元簡畧憑君鉅筆寫鴻濛

花朝值春分節慎齋先生招同金琢章相錢勉耘

本誠張南華鵬翀三前輩胡雲持天游王濟川

會汾兩同年及令弟晴川禮部士隨集承露堂

次南華韻

半春橐筆走東華時典朝衣付酒家折簡忽煩前輩字  
插餅初見數枝花談深玉局翻仙譜渴想金莖試露芽  
應爲主人吹律暖玳簾開處燕飛斜

芳樽端不負花朝共有心情望古遙元解千言揮麈尾  
新詩幾東比牛腰自緣春事思江閣因畫名山問石橋  
南華晴川各畫江郎  
花樹因詢台山之勝布韞青鞵行料理翦燈重與話清  
宵

送家兄南旋

乍喜聯牀共被眠  
匆匆又上潞河船  
心關故里黃花節  
去趁秋風白鴈天  
別後好須長寄字  
夢中還自話歸田  
高堂每飯憐遊子  
莫道官貧少俸錢

數月書齋坐敝茵  
何曾衣惹九衢塵  
因兄嶽嶽懷方意  
愧我勞勞送客身  
千里家山雲淡蕩  
一囊詩句錦鮮新  
別來諸弟勤相問  
芳草池塘幾度春

汪雨亭

霖

年前寄畫台山八紙藏之書笥  
今春檢

書得之家園山水歷歷在目  
鄉思轉深矣每景

各識以詩

憶我就徵車言別清溪上親朋歌驪駒頗云行色壯自  
分麋鹿姿山林愛疎放悔出愧子微臨流默惆悵安知  
八九年塵埃滿顏狀寄畫感故人念我獨不忘分明清  
溪水岸落新秋漲賓鴻點葦汀垂楊夾村巷何時乘竹  
簞沿流細誦唱

清溪

四萬八千丈古從何處量我昔登其巔下視但蒼蒼三  
時同元冬烈風盛土囊地高草樹稀苦竹森成行杳靄  
雲霧中途術迷所望墨凍右軍池冰縈太白堂流傳智  
者塔已共榛蕪荒海水劇清淺神仙何渺茫惟應酌美

酒爛醉看扶桑

華頂

天半落銀河空虛鬪霹靂誰將萬斛珠灑此千尋壁一  
石駕黿鼉神工斲虹霓孤亭俯橋上憑檻心已滌翻因  
水石喧坐使衆籟寂彷彿羽救趙啞呼奪擊諸將但  
立觀肩股增怵惕圖畫尚爾爾舊遊記歷歷何人聽龍  
吟從容寫長笛

石梁

台山八重峻赤城爲南門削成五千仞拔地誰並尊層  
雲橫亭亭光燄射朝暎哈呀兩巖洞棟宇鐫瑤琨天篆  
非筆墨點畫乃有痕舊時讀書處琪樹紛倚垣春看錦

萼舒秋見珠寶繁時想茅君戲羽旗鬱飛翻太息仙人  
去丹竈空復存

赤城

瑤臺邈西池瓊臺近東海東西此兩臺造作勞真宰倚  
天鏤霞靄拓地開壁壘青對雙闕戟碧俯羣流匯陽林  
耀丹葩陰岡鬱金彩遊客緣磴危未步意先改足知學  
道人勇往戒自餒福庭諒在茲前修或吾待恍惚聞歌  
聲煌煌芝可采

瓊臺

峭壁落飛瀑層崖激長湍跳珠走沙石隨山千迴盤遂  
令此縣人舟楫眼未看巨靈固解事一棹艤空灘已出

斷山口猶隱高林端  
菰蒲環玻璃頓覺江湖寬  
遙指煙外村下上依巔  
岼清歌樵白雲不識風波難  
我欲呼之來坐石試持竿

螺溪

幾度溯仙源却悔行期誤  
山中二月好我行已遲暮  
花落鳥空啼水漲溪無路  
曲折鏡張屏丹青莽回互  
洞隔一簾珠人迷三里霧  
分明鬢髻山掩映森梢樹  
因思劉阮事千載曾不悟  
山色與水光總屬神仙寓  
神仙亦醉夢請誦高唐賦

桃源

積翠連五峯峯峯競  
崱嶸東南稍退讓  
浮圖補其缺下

有水西流清瑩鑑毛髮淪漱蕩雲天磅礴震林樾萬松  
始何年近來半翦伐尚畱十數株神虬戲溟渤古寺獨  
崢嶸金榜復高揭松風澗雨時每聽華鯨發最愛納涼  
夜橋邊踏明月

國清

### 春日山行

木杪開青澗巖跟出綺村梯田高接屋碓水曲侵門芝  
草蟠雲葉松花漲雨痕若將漁棹入寧異武陵源  
石勢趨丹壑鐘聲隱翠微穿雲籬筍直帶露藥苗肥香  
麝遊樵徑春鋤立釣磯正看農務急閒客亦來稀



列堠標烏棹山程十里賒迎官牆畫豸賽社屋啼鴉溪  
女蘭爲佩村童髻有花數枝紅樹外幾片酒帘斜  
屋角出松梢徐聞清磬敲繞檐蜂釀蜜窺戶燕尋巢水  
索分甘露雲厨列淨肴已公殊澹宕得句喜人鈔  
芳草蔚平坡春流漲碧波牧童支石臥田父放鋤歌小  
巷倚人柳疎籬蔓女蘿作團飛蝶處花事更如何

東裝

偕隱豈不樂朝 天復此行青鞵登路日白髮倚閭情  
作伴攜圖史持杯語弟兄何時了公事歡飲遂平生

燕窠卽目

秋風吹我度漁磯一簇煙村錦樹圍架竹引泉通隔岸  
懸簷臨水對朝暉遙峯亂矗仙人掌薄霧初披玉女衣  
曾是壁間傳異蹟昔年幾度叩荆扉

康熙初有仙人題壁詩句

遷兒送至嶼將登舟書示

念汝隨我行遠至二百里汝當歸台中我當下剡水何  
爲復踟躕牽衣悵未已汝歸甚安適聽我言提耳隨母  
事大母晨夕具甘旨汝能孝大母汝母必歡喜汝叔能  
文章汝伯敦倫紀汝師不外求近取戶庭是汝同產三

人兩妹尚幼穉汝當篤友愛姊妹卽兄弟汝少懶失學  
性乃讎文史汝今年已長寧可復爾爾不望汝登科不  
望汝顯仕望汝親詩書稍稍明義理望汝涉章句稍稍  
去喬野開卷便有益立身知所以百行苟不虧農亦可  
稱士汝當念先世聲名重鄉里忠孝與節義炳炳志乘  
紀一脈留書香術業未嘗徙牛馬而襟裾此言汝可恥  
汝當念先世辛苦立基址所食但脫粟何曾盛簠簋所  
衣但布素何曾豔羅綺昔汝大父訓儉德絕華侈我與  
汝伯叔習業竹窗裏夜讀共一燈冬眠共一被更出共

一袍會文其一凡生計在勤劬紈袴殊可鄙汝當念先  
世積善垂福祉號曰大佛家厚道無與比邑中諸氏族  
其效可睹矣都自宋南渡驕橫者先燬刻薄及虛浮雖  
泰後終否天旣不可欺人力安足恃承家在樸誠縣縣  
保千祀勗汝安清貧勿爲勢利使勗汝慎擇交勿與燕  
朋邇勗汝戒口過聞惡勿啟齒勗汝崇謙恭跬步勿踰  
禮入夜謹門鑰清晨掃堦凡順承伯叔教使令如臂指  
服膺聖賢典食用如粟米治心如治病格言卽藥餌力  
學如力田思辨卽耘耔泉由九仞深山自一簣起立志

確不移德進何涯  
渼我有金石言  
汝勿等閒視  
豈但書  
諸紳戶牖俱粘紙  
汝能敬聽之  
汝亦克家子

紅橋夜泛索研南和

極目蕭疎萬慮澄  
華鯨初定竹房僧  
煙林昏似千年畫  
水月空於一片冰  
江上霜風愁旅雁  
船中詩興健秋鷹  
不須豪飲心先醉  
此景平生得未曾

邗水船中題閔廉風春帆吟卷

寒堤無復柳毵毵  
何處青山映碧潭  
羨殺春帆吟卷好  
落花時節到江南

晚過吳江橋外紅樹數株臨流可愛

落盡吳江葉葉楓橋邊猶見一叢叢天心也自憐遲暮  
斜照波心分外紅

謝風伯詩

西風銳於刀北風勁於箭客子向京都風來正迎面我  
今此行事頗奇小車輾輾前無帷幸是東南風盛發十  
日塵土向前吹風聲如雷輾平地相逢客盡遮羶帔我  
坐車中擁破裘日高安穩鼾鼾睡始知乘車等乘船蘆  
篷亦似蒲帆懸兩驂一服破塵浪駑駘竟越驂駟前憶

昨濟州始登陸一夜北風堅水腹又憶東平渡淺河南  
風劈水冰生波從茲處處看流水彷彿人行二月裏白  
溝已過盧溝來掠樹微覺南風迴寒雲淦淦同輕埃欲  
雪未雪人難猜我望都城惟咫尺但願迴風兆三白人  
間豐稔待二麥我作此歌謝風伯

東平憲王墓下作

馬前迎客山無數半帶寒林半煙霧道旁立石字如新  
知是東平憲王墓漢氏到今幾千載兩京城闕都非故  
早傳玉盃出人間荒陵石豈南山錮惟存此冢高若堂

飽閱滄桑尚封樹耕夫牧豎不敢登野人總怕神靈聚  
翁仲壽較銅仙長衣裾綠染莓苔露昂藏奪壁儼朱暉  
奏記雍容類班固麒麟折角馬缺耳環山作隊猶森布  
龍旂虎賁想當年東巡曾引鸞輿駐河間大雅舊齊名  
拜祠天淚紛秋雨至今俎豆肅春秋樵采禁還逾百步  
堪嗟魯殿及梁園極目榛荆穴狐兔神祠虛費伊蒲供  
仙方錯用丹爐鑄多少金牀玉几人應悔生前作事誤  
未能立德垂不朽富貴長年亦朝暮世上無如爲善樂  
一言永表諸侯度東峴卷石五岳高古蹟名存史書注



我來瞻仰發深悟  
巖巖雲山莽寒沍  
西風颯颯不可當  
登車且向前山路

濟寧南池杜工部新祠詩爲沈椒園同年作

南池工部

舊遊地也集有與許主簿詩二首椒園侍御巡  
漕駐濟寧創作祠以祀工部環池植花樹千株  
又鐫所造迎享  
送神歌于石

太白酒樓何碣磈  
檻前坐見千檣過  
南池故是少陵蹟  
可憐野水環坡陀  
記我年前步池上  
正逢泥滑愁雙鞢  
東岳之雲羃列岫  
城隅溝洫同黃河  
高槐疎柳半臥水  
人家戶外聯扁舸  
今年十月重到此  
忽覺勝槩清羅羅

池隄旣類綵虹偃池水亦似青銅磨幘幘老樹雜新樹  
葉雖落盡留枝柯三間瓦屋照寒日門榜高揭字擘窠  
問誰爲此祀工部座斲山骨陳象犧守祠老人說顛末  
昔歲使者來仁和東陽裔孫癖好古南池百度停驂駒  
嘆息杜公舊遊地無人構屋理則那捐金誅茅闢荒穢  
架木築土成槃邁高齋西蜀非一處此添東郡新行窩  
伐石刊詩置兩壁俾傳久遠期無他維時落成值孟夏  
花葉旖旎紛芰荷瑤觴進拜巫屢舞蒲牢殷地響靈鼉  
彷彿鄭公出小隊林間絡驛鳴珠珂風湍水檻映冠蓋

一州人士來奔波共詫草堂得壯觀竟與酒樓齊衆我  
瘦容骨立尚戴笠無乃飯顆還譏呵我知沈侯有深意  
非爲閒眺蠲煩苛風騷以降作者衆大海詎計蚌與螺  
有唐獨見兩夫子光燄萬丈爭羲娥囊括百家奮鉅筆  
俯視餘子眞么麼况論忠愛出肺腑詩仙又遜詩王多  
流離渾忘身凍餓但愁海宇森干戈萬間廣廈豈虛語  
得志應起生民疴篇篇立意追大雅不止逸藻嫵汨羅  
稷契心期合俎豆便私所好原非阿精神千載倘記憶  
應招太白同吟哦當時嗜酒今得地官河酒旆馳輕艖

岱山迢迢拱戶牖朝霞朗對朱顏酡堪笑主簿附享祀  
姓許名字知誰何沈侯沈侯好文墨眼見醉草迎神歌  
他年有客考古蹟定撫碑刻千摩挲

題周讓谷

天度

雪中登講市臺畫冊卽次原韻

講市

臺在張家口明王襄毅崇古總督宣大時受俺荅款附開馬市於此

市臺寒倚塞垣風前代邊防一笑中今日際天無戍堠

奚官隨地展花鬚驢可要黃金買苜蓿從看白草空

正是君來逢朔雪兩高如畫對西東

今出張家口北至舊開平東至舊小

興州西至歸化城皆禮部太僕寺及八旗牧廠外則蒙古五十一旗並爲外藩威德之盛曠古所未有也東高

山與西高山對峙口城正  
當其中每歲貢馬由此入

馬蹄疑向月中行粉堞連天問漢城但說烏桓歸校尉

誰曾太守將屯兵王霸爲上谷太守將屯兵以防邊牛羊帳滿黃榆塞

樓櫓雲橫白玉京故老猶誇關外路

六飛再駕此從征康熙中聖祖再駕征厄魯特從此出口北渡大漠至克魯倫河瀚

海從此永清

魏絳和戎苦口陳尚勝烽火歲頻頻無過印綬縈彈汗

豈有駟車渡諾真六角暫時停鐵騎三邊長策仰綸巾

因思開國謀謨遠英衛弓刀總入神款降互市亦中策也但王襄毅時北

邊兵力已弱又因俺荅之間適中機宜賜以金印原存  
冠履之名冊其可敦并無舅甥之迹自薊鎮西訖甘涼  
得息肩者數十年其功不可誣也然有明籌邊惟太祖  
為得上策開平岐陽奮勇於前馮傳藍王周興深入于  
後風厲雷行巢穴掃遂使大寧開平興和東勝建藩  
作衛絡驛耕屯置城俱倣受降拓境直際沙漠豈非聖  
哲之詒謀乎哉永宣以還外衛漸次內徙而宣大邊牆  
以外遂為甌脫而狼煙日熾矣每讀明史為之慨然  
迢遞銀山極目莽漫漫瀚海更無波冰縈一線甯川小  
花結千林上谷多蒼鶻呼風饑自獵黃羊割炙醉高歌  
若為懷古憐飛將才氣無雙竟若何

偕侍戶部

藥林

王徵士

梅洪藻

蔡徵士

建杓寅斗

盛徵士

青嶼

胡徵士

雲持天濤

周學士

石帆長發

集沈侍御

椒園廷芳

隱拙齋擬韓文公人日城南登高得送字

獻歲靜掩扉謝客省迎送因之理琴書端居寂閒空扣  
門聞剝啄相對成聚哄城南盍往遊尺五見雲棟大地  
迴句芒春聲入禽哢南山好山色凌風欲飛動陽岡明  
圭稜陰崖闕雪洞煙景澹新晴寒流泮微凍何處鳴輕  
雷水邊過飛鞚未啟蟄蟲戶已醒魚龍夢日七信來復  
人三且成歟况我八九人文采蔚虎鳳登臨旣適興豪  
飲敢辭痛脫畧忘形骸齒序呼伯仲離羣異高杜心跡  
類王貢不醉尚奚爲詩就遞吟諷鬪奇更拙毫酩酊或

抱甕酌我幸無多我方聖人中

阮裴園前輩見惠邊壽民蘆雁圖賦謝

暑天流汗疲揮筆正想迎涼御輕袷何處飛來蘆雁圖  
忽訝秋聲來一霎眼前便已對瀟湘蘋風何必思茗雪  
叢叢菰米浸寒煙陽鳥初來堪唼喋引羣寧爲稻粱謀  
隨波却笑鷗鳬狎翩然欲下仍未下此意從前名手乏  
我知邊老胸次奇慣用草書通畫法離披醉筆任所如  
譬雲出山水窮峽點染秋容妙古淡霜葭露葦枝紛壓  
冥鴻寫影兼寫聲清韻橫空異鵝鴨平生聞名恨不見



道遠無由致書札今朝阮公枉高軒彥倫座上談歡洽

迴風舞雪鬪新詩共聽春啼鶯恰恰

是日阮及邱天峯太史同見顧座間

讀邱與石帆先生咏物倡和各篇

偶然品畫到水墨蘆雁應推邊老甲

阮公自言夙好之數紙猶當存舊匣呼童攜至但索詩

展圖險韻須強押萬里長風掃鬱蒸斗室乾坤元不狹

爲淮上邊頤公

壽民

題葦間書屋畫冊

聞有高人隱淮浦詩畫聲名滿寰宇比來傳到葦間圖  
清勁鬚眉儼親睹老屋三間半浸湖垂楊幾樹初過雨  
田田荷葉戲游魚簇簇蘆叢接平莽就岸牽船應笑張

背郭成堂竟如杜幽徑知無俗客來明窗但快圖書聚  
一鏡青天寫性情千杯濁酒輕圭組便腹從教弟子嘲  
折枝久擅丹青譜長史文孫還似祖貌得邊生氣味古  
畫係嘉定周笠空闊煙嵐供筆墨蕭疎風月窺庭戶我欲題詩  
先起舞卽目江湖異塵土何日輕舟訪葦間一曲漁歌  
聽揉觴

午日用坡公辨道歌韻

陽德方中正不邪青天赤鏡騰光華都城節物懸家家  
芟艾到根蒲到芽六街驛絡馳香車綠雲嬌插紅榴花

簇繭作虎絲，縮蛇鋸齒吐。舌開呀呀平，生踏遍高與窪。  
佳麗東南度，以加犀軍猶似閼。夫差弄潮隊，隊凌津涯。  
駭浪如山包，谿谷出沒奇詭觀。者嗟畫船首尾塗丹砂，  
一瞥已隔十里還。口曰扶胥浦，曰祖激溝。濺沫霏天花，  
中流綵幟颺高牙。共唱小海非淫哇，又憶維揚習俗奢。  
官河競渡尤相誇，若漁張網獵張豎。層樓垂箔聞咿啞，  
龍舟輕比貫月槎。萬人兩岸儼植麻，跳丸度索舞鎡鋸。  
一珠擲空羣龍拏，矯如蟻封盤駟騶。而今插脚紅塵塗，  
徒有鄉夢懷清嘉。兩耳漸厭市聲譁，胸次耿耿類癥瘕。

閒拈紙筆試塗鴉蠹簡瑣屑箋魚蝦睫巢蚊螭角爭螭  
羈束何異鶴在笱况當渴雨思燒豕赫曦安得油雲遮  
堦前鼓吹無鳴蛙但覺高樹濃陰斜吁唏空腹將餐霞  
元夕戲咏流星花爆三十韻

天開三五夕人玩九枝燈巧製裁湘管傳聲裂楚繒卦  
占山火賁爻取地風升尾接銜蘆雁身輕掠草鷹垂虹  
看異彩繞電得奇徵漢將朱旗幟吳軍赤羽矰斜飛驚  
響箭直上傍觚稜在戶星三點書空字一繩銀沙流寶  
汞花雨試神僧氣自葭灰應霞從閨圃蒸明珠聯碧漢

佳餅拆紅綾況是康衢闕兼之月宇澄通宵歌絳樹比  
屋祀青陵舊式惟標舉新工最逞能將雛來鸞鷟擊浪  
徙鯢鵬發駭千鈞弩翔高百尺層

風薦也

繁英紛落桂疎

穗細拖藤並蒂滋蘭畹交枝出馬塍暖融金掌露清透  
玉池冰簇擁爭先睹歡呼得未曾共瞻神爵集仍詫燭  
龍騰過水光尤赫干霄力自勝牽衣多矯首引炷總橫  
肱含譽旂方聚依烏數且增寒芒疑欲曙半魄儼初恒  
詩如月之恒上弦也客指成雙使階添竅上層五車原並列七曲  
或相承拍格雷還震輝煌暈自凝長春雲物麗不夜日

華昇喜色連樞斗應知萬國登

喜馮君弼廷丞至次石帆韻

有客來自西衣溼嵐翠綠下榻初拂塵斗酒呼洗足行  
年纔及冠讀書已滿腹道路雖苦辛執掌眉未蹙夙譽

推王楊筆陣厲頗牧立志師濂溪如川注江瀆

馮舊受業於石

帆先樂廣況有名相映冰與玉

馮係周蒔欄侍讀之壻

命駕輕千

里炎威冒三伏今朝乾鵲鳴遠人信可卜月色夜滿庭

快談等角逐羨君由鴈門迢遞趨上谷地皆古邊塞吟

眺恣所欲壯哉居庸關攬天壁盤曲君才如逸驥騰踏

看神速

余與周石帆學士向俱不以書名近頗有索書者  
環視几上穎俱禿矣陳句山固所稱工書家也  
同丐鼠鬚僅得一管因作共筆詩索石帆和

擬效經神更史通牀牀退管臥西東但看透紙心俱盡  
欲乞如椽願頗同讓我畫吟揮簡白憑君夜醉灑鐙紅  
何時投作班生計共掃從前結習空

握管與句山別兩人俱不作望蜀想句山曰佳墨  
尚餘兩笏當分餉之以補筆所不足復作分墨

詩

李氏南來水亦遷南唐妙製已千年莫嗤醉後頭濡墨  
尚想碑成手索錢分得兩丸光似漆灑從雙腕思如泉  
含毫却憶生花夢且學邊韶白晝眠

再疊前韻呈石帆學士

質庶論交感伯通書田耕亦耦南東古人祇說車裘共  
今日眞看筆硯同行草臨池愁水黑雲煙對案灑箋紅  
中書舊事輪丞相青史分明一笑空

唐貞元後諸宰相  
入省輪日執筆

右共  
筆



管城來往日頻遷辭羨元香守積年若會文壇分執玉  
便充巾笥勝藏禪癡人漫笑磨穿鐵老驥時思渴飲泉  
霖雨正防龍下取不須吞汁說高眠

吞汁用王勃腹  
稿事右分墨

寶綸堂詩鈔卷四